

Alkitab Sagan Kakanakan Mengenal akan

Gereja
Manghadapi
Kangalihan



Panulis: Edward Hughes

Nang manggambar: Janie Forest
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.




Ampat puluh hari imbah Yesus Anak Allah bangkit matan kamatian, Ruh Kudus datang hagan badiam di dalam pangikut-pangikutNya. Biar murid-muridNya kada mangarti kayapa Allah Bapa, Allah Anak (Yesus) lawan Allah Ruh Kudus manjadi sabuting Allah, buhannya Bahagia baisi Allah basama buhannya. Allah malakuakan hal-hal nang luar biasa hagan manulung rasul-rasul baucap ka urang lain tantang Yesus.



Urang-urang nang parcaya ka Yesus mambagiakan sagala sasuwatu nang buhannya isi hagan mamparhatiakan urang-urang susah. Tapi sapasang dualaki bini nang bangarang Ananias lawan Safira kada jujur. Buhannya manjual tanah lawan bapura-pura mambariakan samunyaan duitnya hagan para rasul. Sacara rahasia, buhannya

manyimpan sabagian hagan diri buhannya saurang.






"Kanapa hantu mahibaki hati ikam hagan mandustai ka Ruh Kudus..?"
Petrus batakun ka Ananias.

"Ikam kada badusta ka manusia tapi ka Allah."
Imbah ngintu Ananias gugur lawan mahambusakan hinak tarakhir. Lawan anak-anak anum mambungkus inya, mambawanya kaluar lawan manguburakan inya.



Kada lawas imbah ngintu, Safira masuk, kada tahu amun lakinya sudah mati. Inya jua badusta tantang duit ngintu lawan kajadian nang sama tajadi lawan inya. Katakutan ganal tajadi pas samunyaan nang mandangar hal-hal ngintu.



Allah Ruh Kudus
malakuakan banyak
tanda-tanda
lawan
kaajaiban-
kaajabian malalui
para rasul. Sabagai
cuntuh, urang garing
diwagasakan pas

bayangan Petrus
manganai
buhannya.



Ngintu adalah sabuting waktu mujizat ganal tajadi, manunjukakan kahadiran Allah. Labih lawan labih banyak lagi urang parcaya ka Yesus.

Ngini maulah imam ganal sarik banar. Buhannya mamasukakan rasul-rasul ngini ka panjara!





Tapi pas malam
hari saurang
malaikat
Tuhan mambuka

lawang-lawang panjara lawan mambawa buhannya
kaluar, lawan baucap, "Tulaklah, badirilah dalam
bait lawan bapandirlah ka samunyaan
urang samunyaa Firman nang hidup."





Para rasul ngintu tulak kaluar lawan mamulai bakhotbah tantang Yesus. Pas subuh harinya pangikut-pangikut imam ganal manamuakan panjara sudah kusung.



Pas akhirnya inya manamuakan buhannya, imam ganal ngintu manyariki pasa rasul. "Kadakah kami manangati lawan karas hagan kada mangajar dalam Ngaran ngini?" "Kami mamatuhi Allah labih matan pas manusia," Petrus lawan para rasul nang lain manjawab. Imam ganal ngintu sarik banar, inya handak mambunuh para rasul ngintu. Inya mamarintahakan hagan mamupuh buhannya lawan malapasakan.



Biarapun buhannya mandarita, para rasul ngintu
manaati Allah lawan mambawa Yesus dalam khutbah.




Pas hari ngintu saurang lakian bangarang Stefanus di tangkap. Stefanus mangasihi Yesus. Ruh Kudus manggunakan inya hagan maucapakan ka urang-urang lain manganai Yesus. Sapalih urang badusta, maucapakan amun Stefanus bapandir manantang Allah. Sasudah pamariksaan pangadilan nang pura-pura, Stefanus ditawaki batu sampai mati ulih imannya di dalam Yesus.



Sabalum inya mati, Stefanus
nang hibak lawan Ruh Kudus,
malihat ka surga lawan
malihat kamuliaan
Allah lawan Yesus
badiri di sabalah
kanan Allah.

Buhannya
manawaki lawan
batu inya badua
ka Allah lawan
baucap.

"Tuhan Yesus
tarimalah ruhku."



Imbah ngintu, kayanya
Yesus di atas salib,
urang nang wani ngini
mangggunakan hinak
tarakhirnya hagan
badua supaya
Tuhan
mangampuni
pambunuh-
pambunuhnya.



Kamatian Yesus mangawali tajadinya galumbang hanyar panganiayaan. Saurang pamuda bangaran Saulus nang manulung pambunuhan Stefanus, manangkap satiap urang Kristen nang bisa inya tamuakan.



Banyak antara buhannya malariakan diri
matan rumah buhannya lawan buhannya
tarsebar sampai ka Yudea lawan Samaria.
Para rasul nang tinggal di Yerusalem.



Biarpun musuh-musuh buhannya mancuba hagan mambunuh buhannya, buhannya nang tarsebar kamana-mana mangkhutbahakan kabar baik tantang Yesus. Kada ada nang bisa manghantiakan para pangikut Yesus, Allah Ruh Kudus badiam di dalam buhannya lawan bagawi malalui buhannya.



Gereja Menghadapi Kangalihan

Sabuting kisah matan Firman Tuhan, Alkitab

Taulih dalam

Kisah Para Rasul 5-7

"Amun tabuka, firman-firmanPian mambari pamahaman." Mazmur 119:130



Tunting



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

